

欽定剿平三省邪匪方略

欽定剿平三省邪匪方略續編卷二十七

甲子年

五月初四日

壬辰

方維甸奏言查各營糧餉近接

額勒登保德楞泰來信尙能源源接濟

臣

仍嚴

飭興安地方官上緊趕運並於漢中迤南一帶

採買運往近接勒保來信川省米糧尙可採買

現擬派員攜銀前往買運目下零匪稽誅各路

供支必須廣爲籌備

臣

竭力籌辦不致稍有貽

誤至賊營招撫一事臣查此股賊匪多係吳廷

剛所帶鄉勇又有從前降賊會充新兵新勇者

附從在內該匪等現雖聲稱到川卽擬散夥察

其詭譎情形恐係緩兵之計據臣愚昧之見總

應併力進剿淨盡以儆兇頑惟現在各營未撤

鄉勇尙多必須不動聲色妥爲安頓臣查提督

楊遇春素爲鄉勇畏服該提督因追賊墜馬跌

傷仍力疾督剿較前已覺稍痊將來辦完此股  
賊匪應請暫留在陝俟會同安置鄉勇事竣後  
再令回籍守制於大局實有裨益奏入

上命軍機大臣傳諭方維甸曰額勒登保等派撥鎮  
將分路剿捕零匪各營糧餉所關緊要方維甸業  
經飭令供支無缺並於漢中迤南一帶採買運往  
復設法籌款委員攜銀赴川採辦自應如此辦理

但此二百餘零匪日久總未辦淨而軍營兵勇一  
萬數千名迄今不能裁撤坐糜糧餉何日方能了  
事前經降旨諭令方維甸將額勒登保等因何剿  
辦遲延之處密行查訪方維甸近在省城自必確  
有見聞著卽據實覆奏至現在隨征鄉勇尙有六  
千餘名將來剿捕事竣究竟如何散遣始能一律  
安靜並著妥爲籌議具奏

初七日乙未勒保奏言臣查現在川境各山林實

無零匪潛匿蹤跡其腹地州縣偶有土棍假充

教匪搶刦近復經臣嚴飭地方文武查拿數起

飭交臬司劉清就近提至綏定訊辦至德楞泰

賽冲阿等各路大兵雖在陝境均離川界不遠

先經臣飭令沿邊地方官將兵糧就近運供勿

分畛域昨接德楞泰來信極稱大寧縣知縣郭

南英能越境運糧甚爲得濟現在探得賊有入

川之勢想官兵亦俱追剿來川臣復飭臬司劉

清由後路趕緊多發糧石分撥大寧太平等處

察探道路毋論在陝在川均須源源趲運再臣

在方維甸來信陝省興漢等處無糧可採臣已

札覆方維甸囑其委員携銀赴川仍照上屆在

順慶重慶兩府地方平價採買臣派員一體照

料庶呼應較靈辦理可期安速奏入

上命軍機大臣傳諭勒保曰近來接據方維甸奏報  
陝省境內陸續搜捕零匪自十數名至數十名不  
等川省地方較廣山徑叢雜安保無零星餘匪潛  
藏此必係派將弁及地方文武各官未能實力  
窮搜率以無賊稟報該督卽據以入奏所言殊不  
可信勒保係川省總督地方未淨零匪皆其專責



總應趕大兵未撤之時一律辦淨倘遽信曰前業已無賊稍存大意或將來撤兵後又有餘匪滋事尙復成何事體至額勒登保等剿捕此二百餘零匪日久總未辦淨並著勒保詳查伊等因何剿辦遲延是否係隨營鄉勇恐事竣散遣得項無多希圖拖遲時日多領銀糧是以不肯出力抑帶兵大員恐辦賊淨盡後鄉勇難於安頓是以輾轉稽遲

爲羈縻鄉勇之計或此外尙別有爲難之處勒保  
訪得確情卽據實陳奏至現在隨征鄉勇尙有六  
十餘名其中籍隸川省者諒必不少將來事竣回  
籍究竟作何散遣安插之法總未據勒保安籌具  
奏而額勒登保等前奏轉欲加給鹽菜銀錢恐不  
免爲鄉勇所挾制此等善後機宜最關緊要將來  
或飭令入營歸伍或分撥充當丁壯總宜預爲籌

畫勿致臨事周章

初八日丙申額勒登保德楞泰賽沖阿奏言臣等

昨將殘匪追入川境分兵三路緊追臣額勒登

保德楞泰亦分路督飭現在賊匪無可掠食非

冒充兵勇向寨硯覓食即乘夜破寨搶掠必須

設法杜絕遂派令都司史定川守備謝金章分

帶兵勇百名在於沿山寨河設伏連日據報該

匪竄過黃墩之水寨子前來攻撲俱經擊退該  
匪卽向興隆寨逃逸又乘夜前來攻寨經設伏  
之外委張富率同寨民擊斃賊匪一名又有賊  
匪一名假充官兵赴余家碕買食經伏兵盤獲  
送營審明正法該匪由西溪口寒坡垵七里坪  
一帶奔竄臣賽冲阿馬瑜田朝貴等由銅確包  
老林緊追擒獲賊匪一名訊據供稱賊營實在

予手二百三四十人餘外又有些被擄的人現在要逃往老木園老林躲避等語當卽正法

臣

賽沖阿等於十五日督兵追至龍潭河探報該匪已竄向木旺坪楊遇春帶兵亦由老鴉舖抄截而來查探賊蹤已在西南楊遇春卽帶兵向木旺坪跟追

臣

賽沖阿等抄赴鳳凰頭萬春河

以防該匪北折於十七日至東白巖正遇賊匪

竄出當卽施放鎗礮擊藍翎馬兵楊秀箭斃  
戴翎頂賊匪一名賊匪向南逃竄楊遇春亦卽  
帶兵趕到會同追至紅池壩賊已竄向窄羅盤  
地方官兵於二十二日追至窄羅盤該匪又竄  
漆棚子二台坪老林係太平開縣境內現因老  
林陰雨連綿道路陡險尙未得手

臣額勒登保

連日由八仙河趕抵太平之黃墩接准德楞泰

知會亦已抵修溪壩防顧西北所有前告遣鄉  
勇二百數十名經檄調副將桂涌來營查收器  
械包封賞銀卽令管帶前赴綏定會同臬司劉  
清分別遣交地方官安業該勇等就道甚爲安  
靜伏思<sub>臣</sub>等前議分兵三路仍未能痛剿實深  
焦灼之至匪蹤現已深入川境距陝邊三四日  
里<sub>臣</sub>額勒登保自應就現有兵力趕赴前途親

督剿辦現擬帶同侍衛百順副將唐文淑等率  
領固原甘肅兵一千餘名自北而南一面探聽  
賊蹤一面差探楊遇春兵行所向歸併一路趕  
剿提督馬瑜總兵田朝貴所帶官兵共有三千  
名現在臣賽沖阿亦經統帶追剿臣德楞泰督  
率副將馬元等帶兵一千餘名並歸併提督豐  
紳一路官兵卽日顧定西北另走一路向南探



進彼此知會總期將殘匪併力掃除至前在陝  
邊大小白河一帶滋擾零匪經官兵剿散總在  
老林潛匿十八日楊芳所帶官兵又搜獲一名

臣

額勒登保德楞泰已札調總兵達自祥帶兵

前赴邊界與王兆夢聯絡在大小白河滄水河  
漳河坪一帶設卡巡緝其楊芳所帶寧陝官兵  
已札知仍赴紫陽石泉一帶江岸巡防並可巡

緝南山辦理營務奏入

上命軍機大臣傳諭額勒登保德楞額奏賽沖阿曰額勒登保等自前月二十五日奏到剿賊情形迄今已越旬餘本日奏到之摺仍不過殲賊數名三路分兵總未得手額勒登保等以不能痛剿心懷焦灼殊不知此間撥帑籌糧無一不預爲經畫其焦灼較之伊等更切朕宵旰焦急竟不能形於筆底

苦心惟自知耳此次額勒登保摺內所敘各路分  
投搜捕只稱帶領官兵並未提及鄉勇字樣白係  
額勒登保等察看近來鄉勇不肯出力之故惟現  
在告遣鄉勇二百數十名既經額勒登保等收繳  
器械賞給銀兩遣交各地方官安插而此外鄉勇  
尙有六千餘人現在是否仍令隨營將來究竟作  
何散遣安頓前曾降旨令額勒登保等妥籌具奏

尙未議有章程若此時鄉勇旣無需用之處是否  
卽可陸續散遣或一時未便全散將來零匪辦淨  
亦當俟鄉勇全撤方可徐撤官兵額勒登保等總  
宜預爲布置免致臨時周章國家設兵衛民本資  
敵愾之用前此鄉勇等幫助官兵奮勉出力是以  
復加鼓勵原不存歧視之見今該勇等旣已心生  
觀望所仗者全在兵力更應加以獎勸俾士氣激

揚如兵丁內有能殺賊立功者悉照從前擬定賞格擒獲要緊賊目者加以重賞立即陞用其餘陞賞有差並宣諭各兵丁以爾等從征日久辛苦備嘗果能隨同搜捕將殘匪及早辦竣既可早回鄉里又得重賞超陞如此愷切曉示兵丁等自必倍加鼓勵再節次奏報賊數不過二百餘人今閱摺內矛手已有二百三四十人此外尙有破塲之人

是賊較前又覺稍增額勒登保等各路官兵不啻  
數十倍於賊兵力不爲不多務須上緊籌辦儘此  
五月一律蕩平六月內額勒登保等將善後事宜  
料理妥協卽行起程於七月朕啟鑾前到京以便  
隨往木蘭行圍上年冬間額勒登保回京時蒙古  
王公皆知軍務辦竣經畧奏凱班師茲復令前往  
川陝若至秋間尙不能隨赴山莊屆期各蒙古王

公前來展覲必又疑軍務尙有未完額勒登保受  
朕厚恩豈不當仰體朕懷及早蒞事惟以旬日一  
報塞責耶

十一日 巳 吳熊光奏言竊照陝省大股賊匪前  
亥

由黃墩一帶竄入川省大寧之鹽場大樹望等  
處與竹谿南路之馬鬃嶺大禾田相近經提臣  
慶成飭令副將呢瑪善帶兵赴南路豐溪幫同

慶溥堵禦茲據探報該匪已南趨雲陽開縣交  
界之沙陀子老林藏匿並據慶成來信陝省尙  
有小股賊匪數十人現自安康縣界向漳河坪  
丁家山一帶奔竄恐近楚邊已分兵前往迎截  
等語臣查陝省小股賊匪業經慶成派兵往堵  
自可不致闖入其大股雖已南竄但恐復向北  
折現仍知會慶成督率慶溥等照舊嚴防勿任



鬆懈奏入

上命軍機大臣傳諭吳熊光曰陝省零匪節據額勒登保等奏報共祇有二百餘人一股現已逃往大寧太平一帶官兵分路追剿何以安康境內又有此小股數十人向漳河坪一帶奔竄之事該處與陝省毗連此時既有竄近賊匪卽當就近剿辦不得僅以分兵迎截不令闖入卽爲了事況現在楚

省邊卡存兵甚多不過在彼搜捕巡防並無專辦之賊此時既有小股賊匪竄近儘可於防兵內酌留一半令其照舊守卡其餘一半竟當派令慶成慶溥督率將領等剿捕無論境內境外皆當不分畛域一鼓殲除方爲妥善至此股賊匪是否卽係從前閻俊烈剿辦未淨之匪抑另有他處零星匪寨聚其中有無爲首出名之賊現在王兆夢等在大

小白河防堵曾否帶兵截剿並著查明據實具奏  
上又命軍機大臣傳諭額勒登保德楞泰賽沖阿曰  
本日吳熊光奏報陝省大股賊匪已南趨雲陽開  
縣交界之沙陀子老林藏匿尙有小股賊匪數十  
人現自安康縣界向漳河坪丁家山一帶奔竄業  
經慶成派兵往堵等語此股零匪既有數十人在  
陝省邊界奔竄額勒登保等自應知悉乃本月初

八日奏到摺內並未提及惟據稱前在陝邊大小  
白河一帶滋擾零匪總在老林潛匿已札調達自  
祥帶兵與王兆夢聯絡巡緝亦未敘明共有若干  
人數究竟吳熊光所稱漳河坪一帶竄匪是否卽  
係達自祥王兆夢所辦一股抑或係從前閻俊烈  
等剿剩未淨之匪現在何處竄匿實有若干人有  
無爲首之賊近日官兵有無擒斬均著查明速奏

十八日丙午額勒登保德楞泰賽沖阿奏言竊臣

額勒登保德楞泰同賽沖阿及楊遇春馬瑜等

督兵進發賽沖阿等由二台坪老林進逼因地

勢險仄不能施展兵力商令楊遇春取道新田

壩三溪子從旁抄擊

臣

賽沖阿與馬瑜率兵尾

追恐該匪設伏伺襲當令兵勇處處拿卡又挑

出奮勇官兵每五六十人或百十人爲一隊各

帶鎗礮或在山坳或上山梁向林內分投轟擊  
該匪不能存紮卽南向瓢廠合耳山由茶山壩  
逃竄楊遇春聞信卽帶原兵兼程顧東南抄截

臣  
賽沖阿馬瑜田朝貴喜明帶兵由茶山壩閃

塘埡跟追沿途殺賊數名生擒一名及被擄民  
八十名分別正法釋放二十八日楊遇春兵至

中岡嶺臣賽沖阿同馬瑜等亦帶兵趕到探報

該匪於昨晚竄至高坪復北折青灣子雪泡山  
各官兵仍分路緊躡該匪翻雪泡山卽由綏朗  
坪遁入火山老林查火山北通王家壩西北通旗  
桿山三排山東通十里坪東北通濛濛溪道路  
分歧必須分兵截擊楊遇春卽帶兵趕赴王家  
壩自北迎頭剿辦

臣

賽冲阿同馬瑜喜明帶兵

由大水壩寒溪寺躡追又派田朝貴帶兵取道

十里坪抄截臣德楞泰趕抵三排山扼住該匪

西北臣額勒登保由後坪趕抵婆羅山扼住東

北濛濛溪之路並令叅將哈豐阿劉健標侍衛

包克通阿挑帶官兵在於林內設伏截擊臣察

看地利情形官兵四面進攻可期得手限於三

十日夜半進兵不期是夜大雨如注迨至黎明

雨勢益大直至本日尙未開霽兼以霧瘴迷漫



對面莫辨楊遇春哈豐阿等設伏官兵均於林  
內露處既不能進攻亦不能撤回目擊情形定  
深焦懼

臣

等現在虔禱俟天氣稍霽如賊匪仍

屯原處卽奮力進攻倘又他遁亦卽設法趕辦  
再查從前小民團聚大寨有險要可據有鎗礮  
可守洵係杜絕擄掠之良法今川陝邊界開太  
大寧安平紫陽各境小民等見賊匪無多均由

大寨分住小寨爲便於耕作起見但現在殘匪  
總在該一帶深山逃竄設使屢被剽掠不惟蹂  
躪百姓亦恐賊數稍增更不成事

臣

現已飛咨

勒保方維甸各派員馳赴邊界勸令百姓將小  
寨仍歸大寨以資固守又查陝省安康平利紫  
陽一帶現有總兵王兆慶達自祥帶兵防剿并  
搜緝小白河一帶零匪其迤西之西鄉南鄭

沔寧邊界爲陝甘要隘亦有總兵九十汪啟國  
與阿分段防堵可以無慮惟川境之開縣太平  
大寧一帶地方遼濶且多大山老林營汛官兵  
不能在在分佈亦須酌助兵力捍禦臣等現帶  
剿兵內川省官兵不過五六千名難以分撥查  
川省額兵本有三萬餘名應再行酌調二三千  
名前往駐紮以資防範且剿兵間有疲乏亦可

隨時更換現在川陝隨征鄉勇雖經臣額勒登  
保奏懇

天恩加給鹽菜銀兩究因苦累每起告遣之心連日

楊遇春王英所帶鄉勇已有百餘名至臣處懇

請遣撤察其形狀藍縷且多帶傷受病甚爲可  
憫已卽照例賞銀遞送安插恐川省鄉勇似此  
者亦陸續而至旣經告遣留之亦不能得力自

應隨時散遣但此時正在剿捕之際若添調本省官兵實可接濟從征亦不敢稍涉張皇已卽咨明督臣勒保在各標營內預備官兵二三千名并揀派得力將備管帶以資分撥奏入

上命軍機大臣傳諭額勒登保德楞泰賽沖阿曰額勒登保等自奏報分路剿賊情形後迄今已閱旬日朕盼望之殷刻深焦廬本日四百里報到所敘

連日分兵探剿情節不過殺賊一名生擒被擄民人十名賊匪除二百三四十人外又新擄百姓二百人賊數竟添至一倍額勒登保等所辦何事現據摺內稱官兵連日爲大雨所阻不能前進一俟天色稍霽如賊匪仍屯原處奮力進攻倘又他遁亦卽設法趕剿等語殊不成話如此大雨官兵旣寸步難進賊匪又何能遠遁若賊匪竟能冒雨

前行官兵自亦可跟蹤追躡何至不能奮力進攻  
額勒登保等不過又爲將來追賊遲延自佔地步  
此等敗殘零匪不但不能殲除又復輾轉奔逃致  
增裹脅均由伊等辦理延誤所致上年冬間德楞  
泰接辦時朕以該處零匪祇剩一二百人無難剋  
期辦淨乃德楞泰誤聽鄉勇詭計欲事招降予賊  
以暇坐失事機不得已又令額勒登保到彼幫辦

額勒登保在京時卽再三婉辭及至到陝後聞德楞泰於三月初二日得有勝仗又欲避分功之嫌不卽會辦逮德楞泰屢次不能得手伊自知難以坐視始行前往今自與德楞泰會合以來又閱月餘並未與賊接仗每隔十餘日奏報一次不過殲擒數人而賊數已添至一倍似此裹脅日增何時始能辦竣前因額勒登保等三人効力行間屢著



勞績節經渥沛殊恩晉爵酬庸以昭優獎茲以萬  
餘兵力剿辦餘匪老師糜餉竟至一籌莫展此而  
不加黜罰何以肅軍紀而勵戎行此起彼零匪德楞  
泰剿辦最久其貽誤之咎尤重德楞泰著降爲二  
等侯革去內大臣降戴軍眼花翎並革去紫韁賽  
沖阿係西安將軍早經派令前往德楞泰軍營幫  
同剿賊且係聯銜奏事之員非專聽調遣鎮將可

比其獲咎亦重責冲阿前賞輕車都尉世職著降  
爲騎都尉並拔去花翎額勒登保馳赴該處會同  
督剿雖不似德楞泰等之爲時已久但到軍營後  
毫無振作咎亦難辭額勒登保著降戴單眼花翎  
並革去紫韁朕權衡伊三人貽誤輕重之咎分別  
降革以示薄懲額勒登保等務宜知感知奮迅勉  
蕲功仍可復邀恩賞倘再泄泄沓沓任賊匪輾轉

奔逃沿途勾結必將額勒登保等三人一併從重  
治罪不能稍爲寬貸矣其軍營隨同辦賊之提鎮  
將弁等員自楊遇春以下均著額勒登保傳旨嚴  
行申飭俾共知儆懼奮勉立功前此剿賊多藉鄉  
勇之力近來額勒登保兩次摺內均未提及鄉勇  
一字自係鄉勇不能得力是以又請酌調官兵但  
額勒登保等現在大寧太平一帶分路進剿何以

不添調征兵轉欲添兵分段駐防或因探得大寧等處有賊匪伏而未起預爲設備抑或慮及鄉勇散遣後難保一律安靜有藉兵力防範額勒登保亦不妨直行陳奏何必隱躍其詞今旣經咨明勒保在各標營調取官兵二三千名卽著照所請檄調應用至所稱楊遇春王英所帶鄉勇已有百餘名向額勒登保處懇請遣撤察其情形藍縷照例

給銀分別散遣安插楊遇春王英所帶鄉勇告遣者已有百餘名其未告遣者尙有若干及此外各路鄉勇不下數千名是否尙在隨營調遣抑係全不得力均未據額勒登保等奏及其應如何籌畫安插之處並著安議具奏其總兵王兆慶等所剿大小白河一帶零匪爲數無多曾否立時剿淨何以摺內並未提及此後得有勝仗卽由五百里奏

報若實能掃除淨盡全數肅清卽由六百里馳奏以慰廑注勉之望之

上又命軍機大臣傳諭方維甸曰據額勒登保等摺內稱川陝邊界開太寧安平紫陽各境臨近居民分住小寨易爲賊匪偷破已飛咨勒保方維甸派員勸諭居民將小寨歸併大寨等語方維甸接到來咨自己派員前往卽密囑派出之道府等於

查辦堡寨之便留心察看零匪情形究竟若何現在官兵共有萬餘何以搜捕遲延至今未能剿淨有何難辦之處訪聞確實卽行據寔具奏

二十四日

壬子

方維甸奏言竊照零匪竄至川境

現有趨開縣老林之勢距陝較遠至陝省大小白河一帶另有零匪數十人由界嶺竄至紫陽六道河總兵楊芳帶兵前往搜捕殲斃執旗賊

目一名傷賊甚多楊芳復派守備張文魁帶兵  
搜至馬鹿池地方賊匪正在三合寨搶糧殺人  
官兵砍倒在前之賊餘卽棄矛逃散現在楊芳  
接奉額勒登保檄知交達自祥帶兵搜捕該鎮  
仍赴江岸巡防其山內匪徒除節次拿獲之外  
茲據道員銜陳和知府王駿猷等稟報鎮安縣  
知縣呂朝選等拿獲一名又署洋縣知縣李鼎



拿獲二名又署留壩同知張琛等拿獲四名又署沔縣知縣陳肇鼃等拿獲三名又守備張元彪拿獲一名又署寧羌州知州易萬里拿獲三名又候補八九品伍敏拿獲一名漢陰通判雒昂等拿獲八名統計續獲零賊匪犯共二十三名並有著名矛手在內已督同朱勲嚴審定擬辦理至川陝零匪未能剿盡緣由查大股賊匪

剿散之後所剩皆係陳賊詭黠愈甚現在零星  
小股乃各股陳匪與鄉勇湊聚而成其於官兵  
虛實情形及追截攻擊之方無不深知底裏而  
留陝之征兵日久力疲又見他省兵丁次第遣  
撤亦未免情切思歸以此疲乏之兵進剿狡猾  
之賊攀援險阻觸暑奔馳歲事稍遲寔由於此  
再隨營鄉勇當賊匪肆擾之時賊之騾馬衣物

較多利於擄獲臨陣莫不爭先現因賊窻窮山  
打仗無所獲利實不能如前出力近來軍營剿  
賊多係派兵追逼並不常令鄉勇在前即使鄉  
勇欲存圖領銀糧養賊自重之心似無從施其  
詭計且臣聞帶兵大員深知鄉勇難信亦擬全  
裁祇因賊匪未完恐其去而從賊是以數月以  
來除張起鰲桂涵所帶兩起鄉勇告求遣回外

其餘均未撤遣帶兵大員之意自因零匪未平  
暫留鄉勇非因鄉勇難散故留零匪也至散遣  
鄉勇之事向有遞送本籍及隨兵帶回章程然  
無業可歸往往中途逃去卽送抵原籍之後亦  
必暫歸復出約束綦難臣愚昧之見惟有將有  
家可歸情願安業者優賞遣回但須逐名送到  
本籍取具收管印結不許中途逃匿其本籍並

無生計不願回籍者卽分派善能駕馭之各廳  
州縣及各處大員署內充當壯丁雜役加給口  
食數月後卽行裁減計查陝省鄉勇一千二百  
餘名其中無業游民尙不及十之三四不致過  
於糜費如此分別酌辦名爲暫留實則分散鈴  
束永遠不能復聚似亦妥爲散遣安靖地方之

一法奏入

上命軍機大臣傳諭方維甸曰此次鎮安等處各地  
方官將山內匪徒續經搜獲共二十三名並有著  
名牙手在內較之額勒登保等帶兵一月以來節  
次殲賊之數轉多至過半方維甸尙知盡心督緝  
所辦甚好現在大小白河一帶另有零匪數十人  
竄至紫陽六道河楊芳赴江岸巡防後交達自祥  
在彼接辦因思陝省地方官節次緝獲零匪不少

此時紫陽另起賊匪數十人卽著方維甸轉飭該處州縣幫同達自祥上緊搜捕就地殄除毋任再有竄逸僅以趕逼出境了事又覆奏軍營剿辦零匪各情節與朕所料不爽內如鄉勇一項不肯仍前出力額勒登保節次奏報總未提及朕早經見及已於摺內批諭此項鄉勇留之旣不得力何不及早散遣現在陝省鄉勇一千二百餘名是否仍

行隨征抑或在此分駐方維甸係該省巡撫安置鄉勇係分內應辦之事儘可不必俟額勒登保到陝再行核辦卽著照議將有家可歸者加賞遣回原籍取具收管印結其無業鄉勇分給各廳州縣及大員署內充當壯丁雜役給以飯食俾資餬口所見甚是惟數月後卽將飯食裁減勢必無以安身究非善策仍著方維甸妥爲籌畫總須令其口



久恒有生計不致散遣後又費周章方爲妥協

二十六日甲寅吳熊光奏言竊照陝省竄川賊匪

聞向開縣太平一帶往來奔竄接據提臣慶成  
來信及總兵慶溥等稟報均稱賊數較前加增  
該匪依傍老林久延殘喘且入夏雨水過多官  
兵難於緊躡追捕其陝省平利小股賊匪尙在  
九個包八仙河一帶藏匿亦未撲滅但賊蹤飄

忽楚省官兵仍未便遽行裁撤至鄉勇一項從  
前賊多時欲圖搶奪騾馬物件是以尙肯上前  
近則毫無希冀永免意存觀望難期得力自宜  
趁大兵未撤之時陸續遣令回籍以資安頓楚  
省鄉勇現已裁去大半俱尙安靜其餘所剩無  
多仍酌看情形總於撤兵以前一律裁竣現在  
境內均屬寧謐並無零匪潛匿

臣

仍督飭各鎮

將是力防堵以冀永固邊圉奏入

上命軍機大臣傳諭吳熊光曰昨據額勒登保等奏  
賊匪現在二百餘人外又新擄百姓一二百人是  
零匪已加至一倍吳熊光所探信息尙屬確切此  
時川省零匪雖距楚稍遠邊界仍須嚴加防範所  
有原設官兵自未便遽行裁撤其鄉勇一項趁此  
大兵未撤之先陸續散遣吳熊光所見俱是惟鄉

勇等大半無業者多口不安爲安置仍恐流而爲  
匪昨據方維甸奏將無業鄉勇等分給各廳州縣  
及大員署內充當壯丁雜役給以口食用資養贍  
此亦遣散之一法吳熊光卽可仿照辦理務令日  
久恒有生計不致將來又費周章

二十七日

乙卯

上命軍機大臣傳諭勒保吳熊光惠齡方維甸等曰

本日朕披閱剿平三省邪匪方略嘉慶二年九月  
內宜綿奏軍營情形據稱各州縣團練鄉勇其中  
勇往出力者固不乏人但賞過則驕威過則散究  
非紀律之師可比請於新兵外各按省分添練備  
戰兵自一萬名至五千名不等等語朕猶憶從前  
奏到此摺時當經恭請

皇考高宗純皇帝訓示仰蒙

聖諭以軍營鄉勇不能繩以部伍不若挑充入伍可資  
約束則多一兵丁便少一鄉勇俟軍務告竣後或  
挑補營頭或散令歸農其事尙屬易辦宜綿之言  
似有所見隨降旨諭知四川陝甘湖北河南各督  
撫等按照宜綿所奏之數招募入伍可見鄉勇之  
不足恃早經

聖明洞鑒示以辦理之方該督撫等如果及早遵行彼

時鄉勇等貪得鹽糧自必咸願應募一經入伍則  
駕馭較易卽事竣散遣亦不虞其滋事乃數年以  
來督撫皆委之於經畧叅贊遷延不辦各路軍營  
仍襲用團練之人漫無控制以致大功告竣後散  
遣爲難其留軍營者不肯出力徒糜鹽糧其散歸  
者或流而爲匪別生事端年來疊次降旨諭令安  
籌安插迄無善策連日以來又屢諭該督撫等悉

心籌辦此時各路鄉勇內如尙有情願入伍者自當卽令歸營食糧但恐此等游民憚於管束未必情願入伍著該督撫等遵照節次諭旨將鄉勇有家可歸者酌加賞給遣回原籍取具收管印結其無業可歸者或分給各大員及各廳州縣署內充當壯丁雜役給以飯食俾資餬口總當使之有所羈管足資生計不能游蕩爲匪方可日久相安各



督撫惟當速發天良以國事爲家事妥協迅速銳  
意辦理亟籌安插勿再因循貽誤

二十八日

丙辰

上命軍機大臣傳諭額勒登保德楞泰賽沖阿勒保  
曰連月以來朕因川陝邊界餘匪尙未剿竣殊深  
焦慮計旬日內所降諭旨不啻至再至三盼望奏  
報幾乎宵旰靡寧乃額勒登保等自十八日奏到

籌辦情形一摺後距今已越一旬不特未將如何  
剿捕之處續行具奏卽朕屢次垂詢如何安插鄉  
勇及有無寔難辦理情形方維甸於接奉諭旨後  
早經覆奏而額勒登保等曾無一字奏及向來每  
閱數日必有一奏敷衍當差今併此敷衍之奏亦  
復杳然實不可解額勒登保等受恩深重寧不知  
朕當此盛暑晝夜焦勞之苦心乎前此額勒登保

摺內據稱四月三十日擬夜半進兵不期大雨如注至五月初五日尙未開霽楊遇春等設伏官兵均於林內露處旣不能進剿亦不能撤回等語豈至今匝月尙未開霽況用兵機宜卽逢久雨泥濘亦當設法出奇制勝斷無坐困株守之理且官兵旣進退不能則賊匪自亦當爲雨阻若果如此正當趁此無路可竄之時就近圍剿倘賊已冒雨四

逆賊匪能行之路軍獨官兵不能衝涉跟剿看來  
額勒登保等竟屬一籌莫展所稱霖潦霧雨情形  
不過虛詞搪塞似此遷延鬆懈何日始能竣功豈  
必欲俟朕將額勒登保德楞泰賽沖阿等均撤令  
回京聽候治罪交勒保接辦乎伊三人亦自知愧  
懼否也額勒登保德楞泰賽沖阿均著傳旨申飭  
卽行明白迴奏至勒保係四川總督此時餘匪竄

入川境自應於得信後卽行馳往乃竟安坐省城  
置身事外卽如方維甸飭令文武於南山一帶搜  
捕零匪每次奏報必有搜獲數十名至十數名不  
等而勒保從無奏及搜查零匪之事豈川省如許  
深山大林竟爾肅清如此況現駐邊境之豐紳劉  
清均係大員卽梁敦懷素稱能事何竟一無搜獲  
該督自不免心存觀望以有額勒登保等在彼督

辦遼爾推諉不前而屬員等亦相率效尤殊非公  
忠體國之道勒保亦著傳旨申飭仍著於接奉此  
旨後卽星速馳赴軍營幫同籌剿聯銜奏事設額  
勒登保等再有遲延朕卽令伊等回京將搜捕事  
宜責成該督一人獨辦勒保又將何所諉藉耶